

UGOVOR

za nabavku radova na sanaciji induktivnih petlji na tri lokacije u Kantonu Sarajevo i pomoćnih radova u telekomunikacijama (izmještanje kablovske infrastrukture) u općini Vogošća

Ugovorne strane:

Ministarstvo unutrašnjih poslova Kantona Sarajevo, ul. La Benevolencije broj 16, IDB/JIB: 4200220350006, koje zastupa Admir Katica (daljem tekstu: Ugovorni organ) i

MIBO Komunikacije d.o.o. Sarajevo sa sjedištem u ul. Tvornička 3, Ilidža, Sarajevo, ID broj: 4200470540005 koje zastupa direktor Marko Boštjančić (u daljem tekstu: Izvođač radova)

PREDMET UGOVORA

Član 1.

Predmet ugovora je nabavka radova na sanaciji induktivnih petlji na tri lokacije u Kantonu Sarajevo i pomoćnih radova u telekomunikacijama (izmještanje kablovske infrastrukture) u općini Vogošća, za potrebe Ministarstva unutrašnjih poslova Kantona Sarajevo.

Ugovor se zaključuje nakon provedenog konkurentskog zahtjeva za dostavu ponuda na osnovu Odluke o pokretanju postupka, broj: 04-1-11-4-55192/24 od 06.11.2024. godine, Obavještanja o nabavci, broj: 1364-7-3-106-3-84/24 od 08.11.2024. godine, prema uslovima iz Tenderske dokumentacije kao i Ponudi Izvođača radova, broj: PON-1963/24 od 19.11.2024. godine.

Ponuda ponuđača data u tenderskoj dokumentaciji čini sastavni dio ovog ugovora.

CIJENA

Član 2.

Cijena za radove iz člana 1. ovog ugovora iznosi, 18.450,00 KM bez PDV-a (osamanestiljadačetiristotinepedeset i 00/100 KM).

Izvođač ne može tražiti povećanje ugovorenih jediničnih cijena u periodu izvršenja ugovora, tj. cijene su fiksne.

NAČIN PLAĆANJA

Član 3.

Ugovorni organ će Izvođaču radova izvršiti plaćanje ugovorene vrijednosti iz člana 2. ovog ugovora, na slijedeći način: 30 dana po dostavljanju privremene ili okončane situacije/računa.

Izvođač radova je dužan dostaviti Garanciju za uredno izvršenje posla u roku od 10 dana od dana zaključivanja/obostranog potpisivanja ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

ROK IZVOĐENJA RADOVA

Član 4.

Rok za izvođenje radova je 30 (trideset) dana od obostranog potpisa ugovora i uvođenja u posao.

Uvođenje u posao i prijem radova će biti izvršeno od strane Odjeljenja za videonadzor Uprave policije Ministarstva unutrašnjih poslova Kantona Sarajevo.

GARANTNI ROK ZA IZVRŠENE RADOVE

Član 5.

Izvođač radova daje garanciju na izvršene radove od 24 mjeseca računajući od dana završetka radova.

Član 6.

Sve naknadne troškove nastale nakon izvršenih radova, a koje se odnose na neodgovarajući kvalitet, osim šteta koje izazove primalac radova ili koji nastanu njegovim uticajem, snosit će Izvođač i sve takve eventualne nedostatke bit će za primaoca radova besplatno izvršene.

OSTALE ODREDBE

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u ugovoru pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova utvrđuje se nadležnost Suda u Sarajevu.

Član 9.

Izvođač radova nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 11.


Ugovor stupa na snagu danom potpisivanja ovlaštenih predstavnika ugovornih strana i traje do obostrane realizacije ugovorene vrijednosti.

Član 12.

Ovaj ugovor sačinjen je u 4 (četiri) istovjetna primjerka, od kojih po 2 (dva) primjerka zadržava svaka od ugovornih strana.

DOBAVLJAČ
MIBO Komunikacije d.o.o.

Sarajevo


direktor, Marko Boštjančić

Broj: 01-130/24

Dana: 09.12.2024.


UGOVORNI ORGAN
Ministarstvo unutrašnjih poslova
Kantona Sarajeva

ministar, Admir Katica
Broj: 04-1-11-4-55192-5/24
Dana: 26.11.2024. godine